

**Kalaallit Nunaanni inunnik pinerluttunik isumaginnittuniit  
tigummigallagassanngorlugit immikkoortortaqarfimmut imaluunniit  
immikkoortortaqarfimmut ammasumut nuussineq,  
pinerluttulerinermi inatsit malillugu pineqaatissinneqarsimasunut  
imaluunniit Danmarkimi il. il. tigummigallagassanngorlugit  
nuunneqartarnerat pillugu nalunaarut.**

Inatsit naapertorlugi § 4, imm. 4, inatsit nr. 1718 27. december 2018 Kalaallit Nunaanni eqqartuus-  
sisarnermik inatsisip allanngortinnissaa aamma Kalaallit Nunaanni pinerluttulerinermi inatsit  
(Tigummigallagassanngorlugit pineqaatissinneqarsimasut il.il.) aalajangersarneqarpoq:

Kapitali 1

*Atuuffissaa*

§ 1. Nalunaarut una inunnut ukununga atuuppoq, siusinnerusukkut malittarisassani § 148, imm. 3,  
imaluunniit § 161, imm. 2-4-imi atuuttuusimasuni, pinerluttulerinermi inatsimmi pineqaatinneqarsi-  
masunut imaluunniit Danmark-imi pinerluttunik isumaginnittuniit inissiisarfirmi tarnit pissusaa-  
nik ilisimasalimmik siulersorneqartumik.

Kapitali 2

*Kalaallit Nunaanni Pinerluttunik Isumaginnittut ataani tigummigallagassanngorlugit  
immikkoortortaqarfimmut nuussineq*

§ 2. Kalaallit Nunaanni Pinerluttunik Isumaginnittut ataani tigummigallagassanngorlugi pineqaatis-  
sinneqarsimasoq § 1 malillugu pisinnaatitaavoq tigummigallagassanngorlugi immikkoortortaqar-  
fimmut nuunneqarnissaminut.

*Imm. 2.* Tigummigallagassanngorlugi pineqaatissinneqarsimasoq, nuunneqarallarnissaminik imm. 1  
malillugu kissaateqarsimasoq, allakkatigut akuersissaaq. Akuersissut Kalaallit Nunaanni pinerlut-  
tunik isumaginnittut allakkiorfissatut sanaavat tunngavigalugit pissaaq. Tigummigallagassanngor-  
lugi pineqaatinneqarsimasoq ilutigalugu inatsisitigut atsiorsimanerup sunniutissaanik siunnersorne-  
qarsimanini nalunaarutigissavaa, takuuk imm. 3.

*Imm. 3.* Akuersissut pitinnagu, Sjælland-imi pinerluttunik isumaginnittut tigummigallagassanngor-  
lugi pineqaatinneqarsimasoq aamma illersuisua immikkortillgit siunnersorneqassapput. Siunnersor-  
neqarnerup ilagissavaa inatsisit tunngavigalugit akuersineq qanoq isumaqarnersoq aamma § 5-imi  
periarfissatut taaneqartoq akuersissutip atorunnaarsinnissaanut.

§ 3. Kalaallit Nunaanni Pinerluttunik Isumaginnittut pisortaata nuunneqarnissamik § 2 malillugu  
aalajangerneqartoq Sjælland-imi Pinerluttunik Isumaginnittut innersuussutaat malillugu.

*Imm. 2.* Kalaallit Nunaanni Pinerluttunik Isumaginnittut Rigsadvokat-i aamma Pinerluttunik  
Isumaginnittut Pisortaarfia § 2 malillugu nuussinermi aalajangikkanik ilisimatissavai.

§ 4. § 2 malillugu nuussineq pissaaq ajornangippat qaammatit marluk qaangiutsinnagit akuersissutigineqartup atsiorderaniit.

*Imm. 2.* Nuussinerup naammassereerneratigut, tigummigallagassanngorlugu pineqaatissinneqarsimasoq nuunneqarnissamut allakkatigut akuersissutigisimasani atorunnaarsissinnaavaa imatut kingunilimmik, sulii pineqartoq Herstedvester-ip Parnaarussiviani inissisimatinneqartussanngorluni.

*Nuunneqareernerup kingorna akuersissutigineqartup utertinneqarsinnaanera*

§ 5. Tigummigallagassanngorlugu pineqaatissinneqarsimasoq, § 2 malillugu pinerluttunik isumaginnittut ataani tigummigallagassanngorlugu immikkoortortaarfimmuut nuunneqarsimasoq, nuunneqarnerminiit qaammatit 6-it tikkillugit nuunneqarnissamut akuersissutini atorunnaarsissinnaavaa.

*Imm. 2.* Tigummigallagassanngorlugu pineqaatissinneqarsimasoq, imm.1 malillugu nuunneqarnissaminut akuersissutiminik atorunnaarsitsisimasoq, Herstedvester-ip Parnaarussivianut utertinneqassaaq.

*Imm. 3.* Imm. 1 malillugu akuersissummik atorunnaarsitsisimasoq taamaallaat ataasiaannarluni ator-neqarsinnaavoq.

*Imm. 4.* Kalaallit Nunaanni Pinerluttunik Isumaginnittut allakkatigut immersugassiaa atorlugu akuersissut atorunnaarsinneqassaaq. Tigummigallagassanngorlugu pineqaatissinneqarsimasoq ilutigalugu nalunaassaaq, atorunnaarsitsinini pillugu inatsisitigut sunniutissaanik pissusissamisoortumik siunnersorneqarsimanerminik, tak. imm. 5.

*Imm. 5.* Akuersissutigineqarsimasoq utertitsinnagu, Kalaallit Nunaanni pinerluttunik isumaginnittut tigummigallagassanngorlugu pineqaatissinneqarsimasoq taassumalu illersuisuia immikkut ataa-siakkaarlugit siunnersussavaat. Siunnersuineq utertitsisimanerminni inatsisitigut sunniutissai pillugit imaqassaaq.

§ 6. Utertitsinermik aalajangerup malitsigisaanik, tigummigallagassanngorlugu pineqaatissinneqarsimasut akuersissumminik utertitsisimanera, takuuk § 5, Kalaallit Nunaanni Pinerluttunik Isumaginnittut pisortaanik atorfeqarfiup tigummigallagassanngorlugu pineqaatissinneqarsimasup inissimavigisaata innersuussutaa malillugu aalajangiissaaq.

*Imm. 2.* Utertitsinissamik aalajangertoqartinnagu, taava Sjælland-imi Pinerluttunik Isumaginnittut oqaaseqaateqartinneqassapput utertitsinissamik piareersarnermut ator-neqartussamik.

*Imm. 3.* Kalaallit Nunaanni Pinerluttunik Isumaginnittut pisortaata Rigsadvokat-i aamma Pinerluttunik Isumaginnittut Pisortaqarfia § 6 malillugu nuussinermi aalajangiikkanik ilisimatissavai.

§ 7. § 6 malillugu utertitsinissaq sapinngisamik qaammatit marluk pitinnagit pissaaq, akuersissut utertitsinneqarsimasoq.

*Imm. 2.* Utertitsinissaq piviusunngortinneqareerpat, tigummigallagassanngorlugu pineqaatissinneqarsimasup akuersissutaasimasup utertinnissaa tunuartissinnaavaa imatut sunniuteqartillugu, Kalaallit Nunaanni Pinerluttunik Isumaginnittut ataani tigummigallagassanngorlugit immikkoortortaarfianut inissinneqarsinnaanngorluni.

*Kalaallit Nunaanni Pinerluttunik Isumaginnittut ataani immikkortortamut ammasumut  
nuunneqarneq*

§ 8. Kalaallit Nunaanni Pinerluttunik Isumaginnittut ataani tigummigallagassanngorlugu pineqaatissinneqarsimasoq § 1-imi ilaatinneqartoq immikkoortortamut ammasumut nuunneqassaaq, siuner-tamut naleqquppat aamma sillimaniarneq pillugu iluaqutissartai eqqarsaatigalugit.

§ 9. Sjælland-imi Pinerluttunik Isumaginnittut immikkoortortamut ammasumut nuussinissamik apeqqut nalilersussavaat imaappat

- 1) tigummigallagassanngorlugu pineqaatinneqarsimasoq qinnutteqarpat, imaluunniit
- 2) paasissutissat taassunga tunngasut tunngavigalugit imatut isikkoqarpat, piumasarineqartut naammassineqarsimappata

§ 10. Immikkoortortamut ammasumut nuussinissaq eqqarsaatigineqarpat taava tigummigallagas-sanngorlugu pineqaatissinneqarsimasoq oqaaseqarnissaminut periarfissinneqassaaq.

§ 11. Sjælland-imi Pinerluttunik Isumaginnittut nuussinissaq pillugu apeqqummut innersuussutaat oqaaseqaasiorneqassaaq. Sjælland-imi Pinerluttunik Isumaginnittut isumaqarpata, nuussinissaq taamaatinneqartoq, taava oqaaseqaat tunngavilersuutininik paasissutissanillu imaqaassaaq, tigummigal-lagassanngorlugu pineqaatinneqarsimasoq ilisimatinneqarsimasoq, Sjælland-imi Pinerluttunik Isumaginnittut nuussinissaq taamaatinneqartoq nalililerpassuk.

§ 12. Kalaallit Nunaanni Pinerluttunik Isumaginnittut pisortaata § 8 tunngavigalugu nuussinissamik aalajangerneq Sjælland-imi Pinerluttunik Isumaginnittut innersuussutaat malillugu, taamaattoq takuuk imm. 3.

*Imm. 2.* § 8 tunngavigalugu nuussinissamik aalajangertoqartinnagu, taava oqaaseqaammut apeq-qummik immikkoortortamut ammasumut nuussinissamut Rigsadvokat-i oqaaseqartinneqassaaq. Oqaaseqaatigineqartoq immikkoortortamut ammasumut nuussinissamut Rigsadvokat-ip, Kalaallit Nunaanni Pinerluttunik Isumaginnittut aamma Sjælland-imi Pinerluttunik Isumaginnittut pisortaasut naapinnerannut tunngaviussaaq, taamaattoq aallaganngorlugu pisinnaavoq, immikkut ittumik piso-qartillugu.

*Imm. 3.* Kalaallit Nunaanni Pinerluttunik Isumaginnittut pisortaata § 8 malillugu nuussisoqarnissaa pissasoq, Rigsadvokat-imilluunniit taamaaliortoqannginnissaanik innersuussisoqaraluartoq, taava Kalaallit Nunaanni Pinerluttunik Isumaginnittut pisortaata Kalaallit Nunaanni Pinerluttunik Isuma-ginnittut Pisortaarfianut ilisimatitsissutigissavaa, aalajangiisoqartinnagu. Kalaallit Nunaanni Pinerluttunik Isumaginnittut Pisortaarfiaata taassuma kingorna nalilissavaa, pisortaarfik suliami aalajangiissanersoq.

*Imm. 4.* Kalaallit Nunaanni Pinerluttunik Isumaginnittut Pinerluttunik Isumaginnittut Pisortaarfiaat § 8 malillugu nuussinissamik aalajangernernik.

Kapitali 4

*Immikkoortortamut ammasumiit tigummigallagassanngorlugu immikkoortortamut nuussineq*

§ 13. Tigummigallagassanngorlugu pineqaatissinneqarsimasoq, § 8 malillugu Kalaallit Nunaanni Pinerluttunik Isumaginnittut ataani immikkoortortamut ammasumut nuunneqarsimasoq, Kalaallit

Nunaanni Pinerluttunik Isumaginnittut ataani tigummigallagassanngorlugu immikkoortorta qarfirmut nuunneqarsinnaavoq, Kalaallit Nunaanni Pinerluttunik Isumaginnittut ataani tigummigallagassanngorlugu pineqaatissinneqarsimasoq naleqqussorineqanngippat immikkoortorta qarfirmut ammasumut nuunneqarnissaa, imaluunniit taamatut inissinneq isumannaallisaaneq eqqarsaatigalugu naammattutut isigineqanngippat.

**§ 14.** Kalaallit Nunaanni Pinerluttunik Isumaginnittut pisortaat § 13 malillugu atorfeqarfiup innersuussutaa malillugu nuussinissaq aalajangissavaa, tigummigallagassanngorlugu pineqaatissinneqarsimasup inissisimavianiit.

*Imm. 2.* Kalaallit Nunaanni Pinerluttunik Isumaginnittut Rigsadvokat-i § 13 malillugu nuussinissamik aalajangikkamik ilisimatissavaa.

**§ 15.** Atorfeqarfik § 13 malillugu nuussinissamik innersuussummik suliaqartinnani, taava tigummigallagassanngorlugu pineqaatissinneqarsimasoq tamanna pillugu ilisimatinneqassaaq, apeqqut tamanna nalilersorneqartoq, paasissutissanik tunngaviusunik, innersuussinermut aamma oqaaseqaateqarnissaminut periarfissinneqassaaq,

*Imm. 2.* Killisiuineqarsimappat, taava tigummigallagassanngorlugu pineqaatinneqarsimasoq periarfissinneqassaaq nassuiaatiminik imaqarniliaq akuerisinnaanerlugu, killisiuilluni imaqarniliami takuneqarsinnaassaaq, akuersisimaneq pisimasoq. Killisiuineq atorfeqarfimmi sulisunit ingerlanneqassaaq.

*Imm. 3.* Atorfeqarfik paasissutissat pillugit oqaaseqaasiussaaq, innersuussinermut tunngaviusunik aamma tigummigallagassanngorlugu pineqaatissinneqarsimasoq innersuussummik ilisimatillugu.

## Kapitali 5

### *Tigummigallagassanngorlugu eqqartuunneqarnermik malittarisassat ataatsimoortut*

**§ 16.** §§ 2, 8 aamma 13 naapertorlugit tigummigallagassanngorlugu immikkoortorta qarfirmut imaluunniit immikkoortorta qarfirmut ammasumut nuunneqareernerup kingorna tigummigallagassanngortitaaneq naammassineqassaaq – kisianni pinerluttulerinermik inatsisip kapitali 43-uat malillugu eqqartuussissutigineqartup naammasinera inissiisarfirmut pisussanngorlugu aamma tamanna tunngavigalugu nalunaarutit, pinerluttulerinermi inatsimmi § 241-imi ilaatinneqanngitsut ilanngulugit aamma malittarisassat taakkunanga pisut.

## Kapitali 6

### *Atuutsineqarnera il. il.*

**§ 17.** Nalunaarut atuutsinneqalissaaq 1. august 2019

Justitsministeria, ulloq 1. juli 2019

NICK HÆKKERUP

/ Lennart Houmann